

Na osnovu člana 72. i 89. Zakona o javnim nabavkama u BiH, („Službeni glasnik BiH“ broj: 39/14), a nakon provedenog postupka konkurentskog zahtjeva za dostavu ponuda za nabavku i isporuku sanitetskog vozila sa potrebnom dodatnom opremom za potrebe KJU „Gerontološki centar“ Sarajevo i pravosnažne Odluke o dodjeli ugovora, br. 11-253-7/17 od 04.04.2017. godine, ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO, ul. Aleja Bosne srebrene br.7., Sarajevo**, registrovan kod Kantonalnog suda u Sarajevu pod brojem UF/I-2260/97 od 15.08.1997.god. i Općinskog suda u Sarajevu Rješ. Br. 065-0-Reg-07-000174 od 25.06.2007.god., identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktor Ismet Skoko, mr.ecc. (u daljem tekstu: Ugovorni organ)
2. **„PORSCHE BH“ d.o.o. iz Sarajeva**, ul. Bulevar Meše Selimovića br. 16., registrovan kod Općinskog suda u Sarajevu, matični broj subjekta upisa: 65-01-0524-13, identifikacijski broj kod Porezne uprave FBiH Kantonalni ured Sarajevo: 4201887660000, identifikacijski broj obveznika PDV: 201887660000, koga zastupa Direktor Alex Andor Vaszi (u daljem tekstu: Dobavljač)

UGOVOR

o nabavci i isporuci jednog sanitetskog vozila
sa potrebnom dodatnom opremom

Član 1.

Ugovorne strane su saglasne da Dobavljač za potrebe Ugovornog organa izvrši nabavku i isporuku **jednog sanitetskog vozila, marke Volkswagen, model Caddy Maxi 4 Furgon, sa slijedećim osnovnim karakteristikama:** snaga motora 75 KW/102KS, zapremina 1598 m3, godina proizvodnje 2016, boja bijela, broj šasije: WV1ZZZ2KZHX060612, sa potrebnom dodatnom opremom, a sve prema zahtjevu Ugovornog organa iz Tenderske dokumentacije br. 11-253-1/17 od 27.02.2017.godine i Ponudi Dobavljača broj: 44315_025960 od 22.03.2017. godine, koji čine sastavni dio ovog Ugovora.

Član 2.

Ukupna ugovorena vrijednost sanitetskog vozila iz člana 1.ovog Ugovora iznosi **43.882,97 KM (Slovima: ČetrdesettrihljadeosamstotinaosamdesetdvijeKM i 97/100 KM) bez uračunatog PDV, odnosno 51.343,07 sa uračunatim PDV** i u istu su uključeni svi troškovi (troškovi vozila, troškovi dodatne opreme, kao i svi drugi nastali troškovi).

Ugovorena vrijednost predmetne nabavke je fiksna do kraja izvršenja Ugovora.

Ukoliko Dobavljač izvrši ugradnju skuplje dodatne opreme od ugovorene, nema pravo tražiti razliku u cijeni.

Član 3.

Ugovorni organ se obavezuje da će **plaćanje ugovorene vrijednosti** predmetne nabavke iz člana 2. ovog Ugovora, **izvršiti u ukupnom iznosu nakon isporuke i preuzimanja vozila, i to u roku od sedam (7) dana od dana ispostavljanja fakture-računa** Dobavljača, na njegov transakcijski račun broj: **1610000110600090, otvoren kod Raiffeisen Bank dd BiH Sarajevo.**

Plaćanje po ovom Ugovoru vršit će se u konvertibilnim markama.

Za svako kašnjenje u plaćanju Ugovorni organ se obavezuje da Dobavljaču pored glavnice, bez bilo kakve daljnje opomene, plati zakonske kamate za kašnjenje, u visini stope zatezne kamate propisane zakonom.

Ukoliko Ugovorni organ zakasni sa plaćanjem, Dobavljač ima pravo, bez ikakve daljnje opomene, na posebnu naknadu u iznosu 100,00 KM.

Član 4.

Rok za isporuku vozila je 60 (šezdeset) dana od dana zaključenja ovog Ugovora.

Ukoliko Dobavljač svojom krivicom ne izvrši ugovorene obaveze u roku iz stava 1. ovog člana, dužan je platiti Ugovornom organu, na ime ugovorene kazne, za svaki dan zakašnjenja 5% od ugovorene cijene predmetnog vozila.

Pored prava iz predhodnog stava, Ugovorni organ ima pravo naknade štete, ako je ista prouzrokovana ovim zakašnjenjem.

Član 5.

Ukoliko u toku izvršenja ovog Ugovora nastupe okolnosti koje se u vrijeme zaključenja Ugovora nisu mogle predvidjeti, a koje utiču na njegovo blagovremeno izvršenje, Ugovorne strane će preispitati te okolnosti i sporazumno utvrditi novi rok za završetak ugovorenih obaveza.

Dobavljač je dužan da o nastalim nepredviđenim okolnostima zbog kojih je ometan u izvršenju Ugovora pismeno obavijesti Ugovorni organ.

Član 6.

Ukoliko se u toku izvršenja ugovorenih obaveza ispostavi da se Dobavljač ne pridržava uslova Ugovora, ili da predmetno vozilo ima nedostatke koji se u vrijeme preuzimanja vozila nisu mogli otkriti, Ugovorni organ će upozoriti Dobavljača na to i odrediti mu primjeren rok za izvršenje ugovorenih obaveza, odnosno za otklanjanje uočenih nedostataka.

Ako do isteka tog roka Dobavljač ne postupi po zahtjevu Ugovornog organa, Ugovorni organ može raskinuti Ugovor i zahtijevati naknadu štete.

Ugovorni organ zadržava pravo da u slučaju isporuke neodgovarajućeg vozila, koje nije u skladu sa zahtjevima Ugovornog organa, ovaj Ugovor raskine bez otkaznog roka.

Član 7.

Garantni period za isporučeno sanitetsko vozilo je dvije (2) godine od dana preuzimanja istog od strane Ugovornog organa, a u skladu sa garantnim uslovima proizvođača, u kom roku se Dobavljač obavezuje bez naknade vršiti servisiranje i održavanje vozila, što uključuje i zamjenu originalnih rezervnih dijelova istog.

Dobavljač se obavezuje da zamjenu originalnih rezervnih dijelova vozila ili otklanjanje kvara na vozilu, izvrši, odnosno otkloni odmah po dolasku vozila u servis, a najkasnije naredni dan, odnosno u roku od sedam dana u slučajevima kada se rezervni dio ne nalazi na skladištu servisa.

U slučaju nemogućnosti otklanjanja kvara u roku od 7 dana od dana dolaska vozila u servis, Dobavljač je u obavezi da Ugovornom organu omogući korištenje zamjenskog vozila u skladu sa uvjetima proizvođača, s tim da takvo zamjensko vozilo ne mora imati karakteristike sanitetskog vozila koje se nabavlja ovim Ugovorom.

Dobavljač garantuje servisiranje, održavanje i obezbjeđivanje originalnih rezervnih dijelova za predmetno vozilo i u **postgarantnom periodu od 10 (deset) godina.**

Član 8

Ugovorne strane se obavezuju da će prilikom primopredaje vozila predati svu potrebnu dokumentaciju koja se odnosi na predmetno vozilo, kao i da će se sačiniti zapisnik i isti ovjeriti od strane ovlaštenih predstavnika obje ugovore strane.

Član 9.

U svrhu izvršenja ovog Ugovora Dobavljač nema pravo zapošljavati lica koja su učestvovala u pripremi tenderske dokumentacije ili koja su učestvovala u svojstvu predsjednika ili člana komisije za javne nabavke, najmanje šest mjeseci po zaključenju istog.

Član 10.

Ugovorne strane se obavezuju na pridržavanje zakonskih propisa, čuvanja poslovne tajnosti i pridržavanja poslovnih običaja.

Član 11.


Ovaj Ugovor stupa na snagu danom obostranog potpisivanja od strane ovlaštenih osoba ugovornih strana.

Član 12.

Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je Sud u Sarajevu.

Član 13.

Ovaj Ugovor je sačinjen u četiri (4) istovjetna primjerka, od kojih svaka ugovorna strana zadržava po dva (2) primjerka.


DOBAVLJAČ:
BROJ: U-184/17

Sarajevo, 21.04.2017. god.


UGOVORNI ORGAN:
BROJ: 11-253-9/17

Sarajevo, 14.04.2017.godine

